

**2021-mi ilassutitut aningaasaliissutitut inatsisissatut siunnersuut**

**pillugu**

**Aningaasaqarnermut Akileraartarnermullu Ataatsimiititaliap**

**inatsisissatut siunnersuutip aappassaaneerpeqarneranut**

**ISUMALIUTISSIISSUTAA**

Aningaasaqarnermut Akileraartarnermullu Ataatsimiititaliap suliarinninnermini ilaasortarai:

Inatsisartunut ilaasortaq Hans-Peter Poulsen, Siumut, siulittaasoq

Inatsisartunut ilaasortaq Jens-Frederik Nielsen, Demokraatit, siulittaasup tullia

Inatsisartunut ilaasortaq Hans Aronsen, Inuit Ataqatigiit

Inatsisartunut ilaasortaq Agathe Fontain, Inuit Ataqatigiit

Inatsisartunut ilaasortaq Lars Poulsen, Siumut

Inatsisartunut ilaasortaq Kuno Fencker, Siumut

Inatsisartunut ilaasortaq Jens Napaattoq, Naleraq

Ulloq 24. marts 2022-mi siullermeerinninnerup kingorna ataatsimiititaliap siunnersuut misissorpaa.

## Imarisai

<b>1. Aallaqqaasiut</b> .....	<b>3</b>
2.1 Ilassutitut aningaasaliissutitut inatsisissatut siunnersuummik saqqummiussineq.....	4
2.2 Ilassutitut aningaasaliissutitut inatsisip imarisai .....	5
2.3 Aningaasaliissutitut allannguinnissamik qinnuteqaateqarnissamut piumasaqaatit .....	5
2.4 Aningaasaliissutitut iliuutsillu oqaasertaliussatigut aalajangersakkanik tunngavillit .....	6
2.5 Aningaasartuutitut isertitanillu nakkutilliineq.....	6
<b>3. Naalakkersuisut 2021-mi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat</b> .....	<b>7</b>
<b>3.1 Aningaasaliissuteqarnissamik suliassat amerlassusaat pillugit ataatsimiititaliap oqaaseqaatai</b> .....	<b>8</b>
<b>4. 2021-mi aningaasanut inatsit aamma 2021-mi ilassutitut aningaasaliissutitut inatsisissatut siunnersuut – kisitsisit pingaarnerit aningaasaleeriaatsinullu agguataarinerit</b> .....	<b>9</b>
4.1 Kisitsisit pingaarnerit aningaasannorlugit.....	9
4.2 Ilassutitut aningaasaliissutitut (inatsisissatut siunnersuummi § 1) – allannguutitut oqartussaasunit assigiinngitsunit pingasunit akuersissutigineqartut .....	9
4.3 Naalakkersuisut oqaasertaliussamut innersuussillutik akuersissutigisaat.....	10
4.4 Aningaasaqarnermut Akileraartarnermullu Ataatsimiititaliamit akuersissutigineqartut	10
<b>5. Oqaasertaliussamik allannguinerit (inatsisissatut siunnersuummi § 2)</b> .....	<b>11</b>
<b>6. Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai</b> .....	<b>11</b>
6.1 Ataatsimut isigalugu .....	11
6.2 Sulisorisat pillugit paasissutissat.....	12
<b>7. Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat</b> .....	<b>12</b>
7.1 Nalinginnaasumik oqaaseqaatit.....	12
7.2 CoVid-19-ip sunniutai annikillisinnaarlugit ilassutitut aningaasaliissuteqarnissamik suliat	12
<b>8. 2021-mi aningaasaliissuteqarnissamik suliassanut oqaaseqaatit</b> .....	<b>13</b>
8.1 Tunngavik pingaarutilik.....	13
8.2 Ukioq aningaasanut inatsisip atuuffia .....	13
8.3 Pingaaruteqartuunissaannik sillimaffigereerneqarsinnaasimanninnissaannillu inatsimmi piumasaqaat.....	14

8.4	Missingersuutitut sunniuteqannginnissaq aningaasaqarnermillu aqutsineq.....	14
8.5	Oqaasertaliussat .....	15
<b>9.</b>	<b><i>Aningaasaqarnermut Akileraartarnermullu Ataatsimiititaliap kaammattuutai .....</i></b>	<b>15</b>
	Kaammattuut nr. 1.....	15
	Kaammattuut nr. 2.....	16
	Kaammattuut nr. 3.....	16
	Kaammattuut nr. 4.....	16
<b>10</b>	<b><i>Aningaasaqarnermut Akileraartarnermullu Ataatsimiititaliap oqaaseqaatai: .....</i></b>	<b>16</b>
<b>11.</b>	<b><i>Aningaasaqarnermut Akileraartarnermullu Ataatsimiititaliap inassuteqaatai .....</i></b>	<b>17</b>

### **1. Allaqqaasiut**

2021-mi ilassutitut aningaasaliissutitut inatsisissatut siunnersuut Aningaasaqarnermut, Aatsitassanut, Inatsisit Atuutsinnerannut Naligiissitaanermullu Naalakkersuisumit Inatsisartut 2022-mi upernaakkut ataatsimiinneranni saqqummiunneqarpoq (UPA22). Inatsisissatut siunnersuut siullermeerneqarami Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq. Inatsisissatut siunnersuut Aningaasaqarnermut Akileraartarnermullu Ataatsimiititaliap suliaraa matumuunalu Inatsisartut inatsisissatut siunnersuummik aappasaaneerinninnissaannut isumaliutissiissuteqarluni.

Nunatta karsiata naatsorsuutai, Sanaartugassanut Iluarsagassanullu Aningaasaateqarfik aammalu missingersuutitut ingerlaavartumik malitseqartitsissutit ilassutitut aningaasaliissutitut inatsit peqatigalugu tassaapput pisortat aningaasaqarnermik aqutsineranni naalakkersuinikkut tunngaviit pingaarutillit ilaat.

Illassutitut aningaasaliissutitut inatsisikkut Inatsisartut Aningaasaqarnermut Akileraartarnermullu Ataatsimiititaliaata siusinnerusukkut aalajangigai kiisalu Naalakkersuisut oqaasertaliussat tunngavigalugit iliuusaat malittarisassatigit tunngavissinneqarput. Pingaartumik aningaasaliissutitut allannguutit Naalakkersuisunit akuerineqartut ilassutitut aningaasaliissutitut inatsisikkut Inatsisartunut ilaasortanit tamanillu aatsaat ataatsimoortumik takuneqarsinnaalersarput. Taamaattumik Naalakkersuisut allanngugaat taakku aningaasaqarnikkut annertuumik pingaaruteqarsinnaasut eqqortumik tunngaveqarluni pisimanersut nalilissallugu Aningaasaqarnermut Akileraartarnermullu Ataatsimiititaliaq – naggataatigullu Inatsisartut – suliaasaqarput annikinngitsumik.

---

UPA 2022/8

J.nr. 01.25.01/22FM-LABU-00008

J.nr. 01.31.10-00013

Aningaasaliissuteqarnissamik qinnuteqaatit Naalakkersuisunit ukiup siuliani tiguneqartut ilaat isumaliutissiissummi matumani Aningaasaqarnermut Akileraartarnermullu Ataatsimiititaliamit paasissutissiissutigineqarput. Aalajangiinerit tamarmiusut Inatsisartut nittartagaanni <http://inatsisartut.gl-imi> Aningaasaqarnermut Ataatsimiititaliap aalajangigaasa ataani pissar-siarineqarsinnaapput.

Isumaliutissiissut ima aaqqissugaavoq:

Isumaliutissiissutip matuma immikkoortuani 2-mi missingersuutit pillugit inatsimmi aalajangersakkat aammalu ilassutitut aningaasaliissutitut inatsisissatut siunnersuummik saqqummiussisarnermut inatsisitigut tunngaviit ataatsimiititaliamit takussutissiissutigineqarput. Aningaasaliissuteqarnissamik qinnuteqaatit Naalakkersuisunit saqqummiunneqartut immikkoortoq 3-mi paasissutissiissutigineqarput.

Aningaasanut inatsimmi 2021-mi angusassatut missingersuutigineqartumut sanilliullugu 2021-mi aalajangiinerit aningaasatigut kingunerisaat immikkoortoq 4-imi paasissutissiissutigineqarput.

Oqaasertaliussanik, aningaasanut inatsimmi sillimmatini 2021-mi allannguinerit kiisalu siunnersuummut nalinginnaasumik oqaaseqaatit immikkoortoq 5, 6 aamma 7-imi misissorneqarlutillu naliliiffigineqarput.

Ilassutitut aningaasaliissuteqarnissamik qinnuteqaatitut matumani pineqartunut oqaaseqaatit immikkoortoq 8-mi sammineqarput.

Immikkoortoq 9-mi ataatsimiititaliaq inatsisissatut siunnersuummut arlalinnik kaammattuuteqarpoq.

Immikkoortoq 10-mi ataatsimiititaliaq inatsisissatut siunnersuummut nalinginnaasumik oqaaseqaateqarpoq kiisalu immikkoortoq 11-imi ataatsimiititaliap inatsisissatut siunnersuummut inassuteqaatai nalunaarneqarlutik.

Inatsisissatut siunnersuutip aappassaaneerneqarnissaanut taama oqaaseqarluni Aningaasaqarnermut Akileraartarnermullu Ataatsimiititaliaq matumuuna isumaliutissiissuteqarpoq.

## **2. Ilassutitut aningaasaliissutitut inatsit**

### **2.1 Ilassutitut aningaasaliissutitut inatsisissatut siunnersuummik saqqummiussineq**

---

UPA 2022/8

J.nr. 01.25.01/22FM-LABU-00008

J.nr. 01.31.10-00013

Inatsisartut Naalakkersuisullu pillugit Inatsisartut inatsisaanni § 16, imm. 3-mi aalajangersarneqarpoq Naalakkersuisut ilassutitut aningaasaliissutitut inatsisissatut siunnersuut kingusinnerpaamik ukiup aningaasanut inatsisip atuuffiata kingorna Inatsisartut ileqquumik ataatsimiinnissaannut siullermut Inatsisartunut saqqummiuttassagaat. Taamaalilluni pineqartoq tassaavoq aningaasaliissutaareersunut inatsit, Suleriaaseq pillugu Ataatsimiititaliap aamma Aningaasaqarnermut Akileraartarnermullu Ataatsimiititaliap siusinnerusukkut aalajangigaannik aalajangersakkatigut tunngavissiisoq.

Aningaasaliissutaareersunut inatsisip pineqarnerata kingunerisaanik 2021-mi aningaasanut inatsit aamma 2021-mi ilassutitut aningaasaliissutitut inatsit katillutik aningaasaliissutit oqaasertaliussallu 2021-mi atuuttut suunerinik takussutissiisussaapput. Taamaalillutik aningaasaliissutit 2021-mi aningaasanut inatsimmi aamma 2021-mi ilassutitut aningaasaliissutitut inatsimmi ilaatinneqartut, taakkunungalu ilanngullugit sanaartugassanut tunngasuni suliaasanut aningaasaliissutit, Nunatta Karsiata 2021-mi naatsorsuutaanut aamma 2021-mi Sanaartugassanut Iluarsagassanullu Aningaasaateqarfik pillugu Nassuiaammut tunngaviupput.

## **2.2 Ilassutitut aningaasaliissutitut inatsisip imarisai**

Ilassutitut aningaasaliissutitut inatsisip imarisarpar anatsisip ileqqussat naapertorlugit oqaasertaa, ukununga tunngasunik nalinginnaasumik marlunnik paragrafeqartartoq:

- Namminersorlutik Oqartussat aningaasartuutaasa isertitaasalu allannguutaat, (ilanngussaq 1), aamma
- Oqaasertaliussanut allannguutit kiisalu oqaasertaliussanut nassuiaatit (ilanngussaq 2).

## **2.3 Aningaasaliissutitut allannguinissamik qinnuteqaateqarnissamut piunasaqaatit**

Missingersuusiornermut malittarisassami 2008-meersumi aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit taamaallaat tassaassasut:

- *pingaarutillit*, aamma
- aningaasanut inatsisissap suliarinerani *sillimaffigereerneqarsinnaasimannigitsunut* tunngasut.

Ulluinnarni periususartut naapertorlugit Aningaasaqarnermut Naligiissitaanermullu Naalakkersuisoq Naalakkersuisut sinnerlugit aningaasaliissutitut allanngortinneqarnissaannik qinnuteqaammik Aningaasaqarnermut Akileraartarnermullu Ataatsimiititaliamut nassiussisarpoq. Pappialat atortussat nassiunneqartut kontonut pingaarnernut, aningaasaliissutitut allanngortitsiffiginarlugit qinnuteqaatigineqartunut, missingersuutitut

ilanngussanik imaqartussaapput. Missingersuutininut ilanngussat taakku allanik tapertaqartinneqaratik atuarneqarsinnaasariaqarput.

Taamaalilluni allannguutissatut qinnuteqaatigineqartup nassuiarnerata tunngavilersuutitaatalu suliap nalilersuiffiginissaanut naammattumik sukumiissuseqarnissaat pingaaruteqarpoq. Erseqqissarneqassaaq allannguutip aningaasanut inatsimmi tunngavissaatitaasunut naleqqiullugu qanoq ittuunera pingaernerpaatinneqassammat.

#### **2.4 Aningaasaliissutit iliuutsillu oqaasertaliussatigut aalajangersakkanik tunngavillit**

Inatsisartut Naalakkersuisullu pillugit Inatsisartut inatsisaanni § 16, imm. 2-mi aalajangersarneqarpoq:

*”Inatsisartut Aningasaqarnermut Ataatsimiititaliaata siunertanut aningaasartuutaasussat aningaasanut inatsisip akuersissutigineqarnerani siumut naatsorsuutigineqarsimannigitsut Inatsisartut sinnerlugit akuersissutigisinnaavai.”*

Aalajangersakkakkut tassuuna ilaatigut erseqqissarneqarpoq aningaasartuutit aningaasanut inatsimmi tunngavissaatitaasunit allaasut Aningasaqarnermut Akileraartarnermullu Ataatsimiititaliaq sioqqutsisumik akuersissuteqareersimatinnagu aningaasartuutigeqqusaannigitsut.

Inatsisartut Naalakkersuisullu pillugit Inatsisartut inatsisaanni § 16, imm. 3-mi aalajangersarneqarpoq:

*”Inatsisartut Aningasaqarnermut Ataatsimiititaliaata aningaasartuutissatut akuersissutai ukiumoortumik ilassutitut aningaasaliissutinut inatsimmi, ukiumi aningaasanut inatsiseqarfiusumi tulluittumi Inatsisartut ileqquusumik siullermeerlutik ataatsimiinneranni oqaluuserineqartussami, katersorneqassapput.”*

#### **2.5 Aningaasartuutininik isertitanillu nakkutillineq**

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq (missingersuusiornermut naatsorsuusiornermullu inatsit) naapertorlugu Kalaallit Nunaata aningaasaqarnera pillugu ukiumoortumik nalunaarusiamik ataatsimik Inatsisartunut nassiussinissaq Naalakkersuisut taamaallaat pisussaaffigaat, tamannalu pissaaq upernaakkut ataatsimiinnermi. Nalunaarusiornermi ilaatigut siunertaavoq pisortat aningaasartuutaasa isertitaasalu ineriartornerannik ilisimatitsissuteqarnissaq ilaatigullu naalakkersuinikkut killiliussat aningaasanut inatsisikkut

(Inatsisartunit akuerineqartumik) ersersinneqartut eqqortinneqarnissaannik qulakkeerinninnissaq.

Tamatumalu saniatigut aningaasartuutunik Namminersorlutik Oqartussat kommunillu nakkutilliineranni inerniliussat pingaernerit pillugit Naalakkersuisut kingusinnerpaamik 1. september aamma 1. december Aningaasaqarnermut Akileraartarnermullu Ataatsimiititaliamut kiisalu Kukkunersuineranut Ataatsimiititaliamut ilisimatitsisassapput, tamannalu pillugu paasissutissanik Namminersorlutik Oqartussat internetimi nittartagaatigut tamanut saqqummiussillutik.

### **3. Naalakkersuisut 2021-mi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat**

Aningaasaqarnermut Akileraartarnermullu Ataatsimiititaliap aningaasaleeriaatsit uku allanngortinneqarnissaat nalinginnaasumik suliarisarpaa:

- *Ingerlatsinermut aningaasaliissutit*
- *tapiissutitut aningaasaliissutit, aamma*
- *sanaartornermut aningaasaliissutit.*

Taakku avataatigut soorunami ilaapput oqaasertaliussat suliassallu allat, pissutsit immikkut ittut pissutigalugit Naalakkersuisut atugassiinissaminni ataatsimiititaliamut akueritittariaqarsimasaat.

Aningaasanut inatsisip ukiuani 2021-mi aningaasaliissutitut sunniuteqartumik suliassat 50-iusimapput. Suliassat 45-t Aningaasaqarnermut Akileraartarnermullu Ataatsimiititaliamut suliarineqartussanngorlugit nassiunneqarput. Tamatuma saniatigut suliassat pingasut Naalakkersuisut namminneq suliaraat, suliassaq ataaseq Inatsisartut suliaraat kiisalu suliassaq ataaseq Inatsisartut Suleriaaseq pillugu Ataatsimiititaliaata suliaraa.

Suliassanit Aningaasaqarnermut Akileraartarnermullu Ataatsimiititaliamut nassiunneqartunit 40-t ataatsimiititaliamut akuerineqarput, suliassarlu ataaseq itigartinneqarluni. Tamatuma saniatigut suliassaq ataaseq Naalakkersuisunit tunuartinneqarpoq, suliassalli pingasut qinersinissap nalunaarutigineqarnera pissutigalugu suliarineqanngitsoorlutik. 2021-mi ukiunilu siuliini suliat Aningaasaqarnermut Ataatsimiititaliamut suliarineqartut amerlassusiat takussutissiami ataaniittumi takuneqarsinnaavoq.

Ukioq	Suliat amerlassusiat
2014	31
2015	22
2016	39
2017	46
2018	40
2019	34
2020	60
2021	45

Takussutissiami takuneqarsinnaasutut suliasat 2020-imi 65-init 2021-mut 45-nut ikileriarsimapput. Ataatsimiititaliamit erseqqissarneqassaaq takussutissiami takutinneqartut tassaammata suliasat Naalakkersuisunit nassiunneqartut amerlassusiat. Taama ineriartortoqarnera ataatsimiititaliamit iluarisimaarneqarpoq, tassami Inatsisartut aningaasaqarnikkut pingaarnersiunerat tassaasariaqarmat aningaasanut inatsisikkut ersersinneqartoq, taamaalillunilu ilassutitut aningaasaliissuteqarnerit qaqutigoortuusariaqarlutik.

Suliasat aalajangiiffigisassat 45-t tiguneqarnermik kingorna Aningaasaqarnermut Akileraartarnermullu Ataatsimiititaliap ataatsimiinnerani siullermi nalinginnaasumik suliarineqarsimapput. Taamaattorli 2021-mi suliasat arlallit nukinginnartuusimapput, taakkulu ataatsimiititaliamit piaarnerpaamik suliarineqarput. Ataatsimiititaliali tunniussinissamut piffissaliussai ataatsimiititaliamit Naalakkersuisunut inussiarnersumik eqqumaffigeqquneqassapput, taamaalillunilu sulianik nukinginnartumik suliarinnittarneq qaqutigorsuaannaq pisariaqarluni.

### **3.1 Aningaasaliissuteqarnissamik suliasat amerlassusaat pillugit ataatsimiititaliap oqaaseqaatai**

Ilassutitut aningaasaliissuteqarnissamik suliasat amerlassusiisa ineriartornerat, suliasanik ikiliartorfusoq ataatsimiititaliap iluarisimaarpaa. Aningaasanut Inatsit Inatsisartut tamarmiullutik aningaasaqarnikkut tulleriarinerannut ersiutaanera tunngavilersuutigineqarpoq. Taamaattumik Naalakkersuisut ilassutitut aningaasaliissuteqarnissamik qinnuteqaatigisaat qaqutiguinnaq pisassapput. Suliasat amerlassusaat sulii ikiliartoqqinnerulissasut COVID-19-imik ajornartorsiuteqarfik sioqqullugu naligilissallugu ataatsimiititaliap kissaatigaa.



#### **4. 2021-mi aningaasanut inatsit aamma 2021-mi ilassutitut aningaasaliissutitut inatsisissatut siunnersuut – kisitsisit pingaarnerit aningaasaleeriaatsinullu agguataarinerit**

##### **4.1 Kisitsisit pingaarnerit aningaasanngorlugit**

2021-mi aningaasanut inatsimmi aamma 2021-mi ilassutitut aningaasaliissutitut inatsisissatut siunnersuummi kisitsisit pingaarnerit aningaasanngorlugit takussutissiarineqarnerat inatsisissatut siunnersuutip matuma danskisuuani quppernemi 62 aamma 63-imi kalaallisuuani quppernemi 72-imit 73-imit takuneqarsinnaapput, taakkulu innersuussutigineqarput.

2021-mi aningaasanut inatsimmi IST-mi amigartoorutissat 60,0 mio. kr.-inut missingerneqarput. Inatsisartut Aningaasaqarnermut Akileraartarnermullu Ataatsimiititaliaata, Inatsisartut aamma Inatsisartut Suleriaasiannut Ataatsimiititaliap 2021-p ingerlanerani ilassutitut aningaasaliissutitut katillugit arfinillit akueraat, taamaalilluni IST-mi inernerussatut missingersuutit 149,1 mio. kr.-nik ajornerulersillugit. Taamaalillunilu ilassutitut aningaasaliissutitut inatsisissatut siunnersuut ukiumut aningaasaqarfiusumut 2021-mut IST-mi 215,0 mio. kr.-nik amigartooruteqarfiuvoq.

2021-mi aningaasanut inatsimmi IS-imi amigartoorutissat 76,2 mio. kr.-inut missingerneqarput. IS-imi, taamaalillunilu aningaasaliissutitut taarsigassarsianut tunngasut ilanngunnagit (T), taamaallaalli ingerlatsinerimut sanaartukkanullu tunngasuni, inernerisassatut missingerneqartunut sanilliullugu ilassutitut aningaasaliissuteqarnissamik qinnuteqaatit akuerineqartut kingunerisaannik IS-imi inernerisassatut missingersuutit 149,1 mio. kr.-inik, IST-mi inernerup ajorseriaataatut annertutigisumik, ajorseriarput. Taamaalillunilu ilassutitut aningaasaliissutitut inatsisissatut siunnersuutip kinguneraa aningaasat ukiuanni 2021-mi IS-imi 225,2 mio. kr.-inik amigartooruteqarnissamik missingersuuteqarneq.

Matumani eqqaamasariaqarpoq angusassatut *missingersuutit* inaarutaasumillu *naatsorsuutitigut angusat* assigiinngimmata. 2021-mi inaarutaasumik naatsorsuutitigut angusat 2021-mi Nunatta Karsiata naatsorsuutaani, ukiakkut ataatsimiinnermi kingusinnerpaamik saqqummiunneqartussami, takuneqarsinnaapput.

##### **4.2 Ilassutitut aningaasaliissutitut (inatsisissatut siunnersuummi § 1) – allannguutit oqartussaasunit assigiinngitsunit pingasunit akuersissutigineqartut**

Inatsisissatut siunnersuummi ilaapput ilassutitut aningaasaliissutitut ukunangga akuersissutigineqartut:

- Naalakkersuisunit, oqaasertaliussanik innersuussinikkut

- Aningaasaqarnermut Akileraartarnermullu Ataatsimiititaliamit
- Inatsisartunit/Inatsisartut Suleriaaseq pillugu Ataatsimiititaliaannit

Aningaasaliissutit allannguutaat aalajangersimasut *Aningaasaliissutitut takussutissiami, inatsisissatut siunnersuummi ilanngussaq 1-imi*, takuneqarsinnaapput. Allannguutit ataasiakkaat missingersuutitut ilanngussartaqarput, taakkunanilu allannguutit erseqqinnerusumik nassuiarneqarput. *Ilanngussaq 1-imi taamatullu missingersuutitut ilanngussani takuneqarsinnaassaaq* Aningaasaqarnermut Akileraartarnermullu Ataatsimiititaliaq Naalackersuisulluunniit imaluunniit Inatsisartut/Inatsisartut Suleriaaseq pillugu Ataatsimiititaliaat aningaasaliissutitut ilannguisoqarnissaanik qanga akuersisimanersut suliarlu sorleq pineqarnersoq.

#### **4.3 Naalackersuisut oqaasertaliussamut innersuussillutik akuersissutigisaat**

Oqaasertaliussat tunngavigalugit aningaasaliissutitut nuussinerit pingasut Naalackersuisunit akuersissutigineqarput.

#### **4.4 Aningaasaqarnermut Akileraartarnermullu Ataatsimiititaliamit akuersissutigineqartut**

##### Ingerlatsinermit aningaasaliissutitut

Ingerlatsinermit aningaasaliissutitut allannguinerit ilanngaattissat ilanngaatigereerlugit 64,066 mio. kr.-inik nalillit 2021-mi Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitut ajorseriaat).

##### Tapiissutitut aningaasaliissutitut

Tapiissutitut aningaasaliissutitut allannguinerit ilanngaattissat ilanngaatigereerlugit 59,559 mio. kr.-inik nalillit 2021-mi Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitut ajorseriaat).

##### Aningaasaliissutitut inatsisitugit pisussaaffigisat

Inatsisitugit pisussaaffigalugu aningaasaliissutitut allannguutit ilanngaattissat ilanngaatigereerlugit 0,0 kr.-inik sunniutillit 2021-mi Aningaasaqarnermut Akileraartarnermullu Ataatsimiititaliamit akuerissutigineqarput. (Missingersuutitut sunniuteqanngilaq).

### Sanaartugassanut aningaasaliissutit

Sanaartugassanut aningaasaliissutinik allannguissamik qinnuteqaatit ilanngaatisat ilanngaatigereerlugit 18,475 mio. kr.-inik nalillit 2021-mi Aningaasaqarnermut Akileraartarnermullu Ataatsimiititaliamit akuersissutigineqarput (Missingersuutitigut ajorseriaat).

### Isertitassatut aningaasaliissutit

Isertitassatut aningaasaliissutinik allannguissamik Aningaasaqarnermut Akileraartarnermullu Ataatsimiititaliaq 2021-imi ilanngaatisat ilanngaatigereerlugit 0,0 kr.-inik sunniuteqartussamik akuersissuteqarsimavoq. (Missingersuutinut sunniuteqanngilaq).

## **5. Oqaasertaliussanik allannguinerit (inatsisissatut siunnersuummi § 2)**

Oqaasertaliussat nutaat oqaasertaliussanillu allannguinerit Aningaasaqarnermut Akileraartarnermullu Ataatsimiititaliamit akuerineqartut 13-it inatsisissatut siunnersuummi ilanngunneqarput. Taakku pisariaqarnera naapertorlugu immikkoortuni tulliuttuni ataatsimiititaliamit ilanngunneqarumaarput. Tamatuma saniatigut oqaasertaliussanik Naalakkersuisut namminneq akuersissuteqarsimapput, taakku annermik tassaallutik aningaasanut inatsimmi suliassaqarfimmut 10-89-imut oqaasertaliussaq nr. 1-imut tunngasut. Tamatumani annermik pineqarput Naalakkersuisut iluanni nuussinert. Tamatumunnga Aningaasaqarnermut Akileraartarnermullu Ataatsimiititaliaq annertunerusumik oqaaseqaatissaqanngilaq.

## **6. Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai**

### **6.1 Ataatsimut isigalugu**

Aningaasanut inatsimmi oqaasertaliussat aammalu oqaasertaliussat, Aningaasaqarnermut Akileraartarnermullu Ataatsimiititaliamit kingusinnerusukkut akuersissutigineqartut 2021-milu ilassutitut aningaasaliissutinut inatsimmi ilanngunneqartut naapertorlugit kontot pingaarnert assigiinngitsut kiisalu sanaartornerup iluani suliassat akornanni nuussinissanut Naalakkersuisut piginnaatinneqarput.

Nuussinissat akuersissutigineqarsimatillugit aningaasaliissutinik allanngortitsinerit pinerit tamaasa inatsisissatut siunnersuummi aningaasaliissutinut takussutissiap, *ilanngussaq 1*-ip, immikkoortortani (kolonne) ilanngunneqartarput. Missingersuutinut ilanngussani nuussinert tunngavilersuutit aammalu Naalakkersuisut ulloq akuersissutiginniffiat allassimassapput. Kiisalu oqaasertaliussat, nuussinissamat tunngaviliisuusut pillugit paasissutissat nalunaarneqassapput.

## **6.2 Sulisorisat pillugit paasissutissat**

Missingersuusionermut malittarisassami 2008-meersumi immikkoortoq 5.2 Aningaasaqarnermut Akileraartarnermullu Ataatsimiititaliamit innersuussutigineqassaaq, tassani sulisorisanut tunngatillugu paasissutissiissutigineqartussat pillugit malittarisassanik Naalakkersuisut aalajangersaapput, taakkunungalu ilaapput akissarsiat qaffasissusiannut agguataarineq aammalu kisitsisit qitiusut suut ilanngunneqartussaansut.

## **7. Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat**

### **7.1 Nalinginnaasumik oqaaseqaatit**

Aallaqqaasiutigalugu isumaliutissiissummi immikkoortoq 3 innersuussutigineqarpoq, tassani suliat amerlassusiat, qinnuteqaatinik Aningaasaqarnermut Akileraartarnermullu Ataatsimiititaliap suliarinninnerata inernerit naapertorlugit agguataakkamik nalunaarsorneqarsimallutik.

Aalajangiinerni arlalinni ilassutitut paasissutissanik Naalakkersuisut ataatsimiititaliamit qinnuigineqarput. Taakku pisariaqarnera naapertorlugu aalajangiinerni ataasiakkaani aamma taaneqarput. Ataatsimiititaliap paasissutissanik ujartuinerani suliasani isummernissaminik ataatsimiititaliap kinguartitsinerani imaluunniit akuersinerani pivoq. Kiisalu aalajangiinini Inatsisartut nittartagaanni uani pissarsiarineqarsinnaasut ataatsimiititaliap innersuussutigissavaa: <http://inatsisartut.gl> Aningaasaqarnermut Ataatsimiititaliap aalajangigai.

### **7.2 CoVid-19-ip sunniutai annikillisinniarlugit ilassutitut aningaasaliissuteqarnissamik suliat**

COVID-19-imut tunngatillugu ikiorsiissutissanut nutaanut aningaasaliissutinik Aningaasaqarnermut Ataatsimiititaliaq 2021-mi akuersissuteqarpoq. Taamaallillunilu ikiorsiissutissatut nutaatut taakkuluunniit malitsigisaattut suliasat sisamat ataatsimiititaliamit 2021-mi suliarineqarput. Suliassat taakku tassaapput ilassutitut aningaasaliissuteqarnissamik suliasat 21/926, 21/935, 21/941 aamma 21/957. Malugeqquneqarporli ilassutitut aningaasaliissuteqarnissamik suliasaq 21/941 akuersissutigineqanngimmat, inassuteqaatilli ilassutitut aningaasaliissuteqarnissamik suliasami 21/957-ikkut akuerineqarlutik. Suliassani taakkunani aalajangiinerit aalajangiinerit allat assigalugit Inatsisartut nittartagaanni atuarneqarsinnaapput.

COVID-19-ip sunniutai annikillisinniarlugit iliuusissat aningaasanut inatsimmut ilassutitut aningaasaliissutissat Aningaasaqarnermut Akileraartarnermullu Ataatsimiititaliamut

nassiunneqarput. Taamaattumillu Inatsisartut tamarmiusut sinnerlugit Aningaasaqarnermut Akileraartarnermullu Ataatsimiititaliaq aningaasaliissuteqarpoq, tamannalu (ilassutitut aningaasaliissuteqarnissamik suliassat allat assilugit) ilassutitut aningaasaliissutitut inatsisissatut siunnersuut una aqputigalugu inatsisinnngortinneqarpoq. Missingersuutit tamarmiusut pisortat aningaasaqarneranni tamarmiusuni ukiut sisamat ingerlaneranni oqimaaqatigiissinneqarnissaannik imaluunniit sinneqartoorfiunissaannik piumasaqaammik missingersuusiortnermut inatsimmi § 2 imaqarpoq. Piumasaqaalli tamanna inatsisikkut 2021-ip naanerata tungaanut atorunnaarsinneqaraluartoq, tak. 2018-imi inatsimmik allanngineq (UKA 2018/192), Aningaasaqarnermut Ataatsimiititaliap misilittagai naapertorlugit aningaasaqarnikkut nalinginnaasumik manna tikillugu ingerlatsinermit oqimaaqatigiissitsinissamik piumasaqaammik malinninnissamut Naalakkersuisut akimmisaartinneqarsimangillat. Tamatuma peqatigisaanik erseqqissaatigineqassaaq missingersuusiortnermut naatsorsuusiortnermullu inatsit Inatsisartut 2021-mi ukiakkut ataatsimiinneranni allanngortinneqarmat, tamannali aningaasat ukiuanni 2022-mi aatsaat kinguneqassaaq, taamaattumillu isumaliutissiisummi matumani ilanngunneqanngilaq.

Kontoni assigiinngitsuni, COVID-19-imut tunngatillugu ikiorsiissutitut tunngasuni, atuinerit ataatsimiititaliamit 2021-ip ingerlanerani apequtigineqartarput, pisariaqarneralu naapertorlugu taakku paasissutissiisutigineqarsimapput.

## **8. 2021-mi aningaasaliissuteqarnissamik suliassanut oqaaseqaatit**

Aningaasaliissuteqarnissamik suliassanut 2021-p ingerlanerani ataatsimiititaliamut nassiunneqartunut ataatsimiititaliaq matuma kinguliani allasimasunik oqaaseqaateqassaaq. Aalajangiinerit ilaat taakku arlallit aningaasaliissutitut allannginerit aalajangersimasut kisiisa pinnagit aammali maleruagassanik atuneq pillugu tunngaviummik isigineqartariaqartunik aamma imaqarput.

### **8.1 Tunngavik pingaarutilik**

Aningaasaliisarnermi tunngavik pingaaruteqartoq tassaavoq aningaasaliissutitut inatsimmi Inatsisartunit akuerineqartumi tunngavissiisoqarsimatinnagu Namminersorlutik Oqartussat aningaasartuuteqaqqusaannginnerat. Sanaartornermut kontot eqqaassanngikkaanni aningaasaliissutit konto pingaarnerit aqputigalugit aningaasaliissutigineqartarput. Sanaartornermut kontoni aningaasaliissutit **sanaartugassanut ataasiakkaanut** aningaasaliissutigineqartarput.

### **8.2 Ukioq aningaasanut inatsisip atuuffia**

---

UPA 2022/8

J.nr. 01.25.01/22FM-LABU-00008

J.nr. 01.31.10-00013

Aningaasaliissutitut inatsit tassaavoq aningaasanut inatsit, ukiup aningaasaqarfiusup aallartinnera sioqqullugu akuerineqartoq nunattalu karsiata missingersuutaanik imaqartoq. Alla tassaavoq ilassutitut aningaasaliissutitut inatsit, aningaasanut inatsisip akuerineqarnerata kingorna aningaasaliissutit allannguutaannik imaqartoq.

Naalackersuisut 2021-mi ilassutitut aningaasaliissuteqarnissamik qinnuteqaataat siulleg tassunga assersuutissaqquilluarpoq. Utoqqalinermi pensionisiat aamma siusinaartumik pensionisiat tunniunneqartartut 2020-mi naleqqussarnissaat pillugu inassuteqaatit suliarineqarnissaat Naalackersuisut tamatumani qinnutigaat (ilassutitut aningaasaliissuteqarnissamik suliassaq 20/922). Suliassarli 2021-mi ilassutitut aningaasaliissuteqarnissamik suliassami 21/925-mi aatsaat akuerineqarpoq, tassa aningaasat ukiuannut 2021-mut tunngammat.

### **8.3 Pingaaruteqartuunissaannik sillimaffigereerneqarsinnaasimannnginnissaannillu inatsimmi piunasaqaat**

Missingersuusiornermut malittarisassami aalajangersakkat, tassungalu ilanngullugu nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit aningaasaqarnikkut iliuusissanut *pingaarutilinnut* aammalu aningaasanut inatsisissap suliarinerani *sillimaffigereerneqarsinnaasimannngitsunut* taamaallaat tunngasuumissaannik piunasaqaatip, eqquutsinneqarnissaannik erseqqissaanissaq nalinginnaasumik pisariaqartinneqartoq Aningaasaqarnermut Akileraartarnermullu Ataatsimiititaliap ilassutitut aningaasaliissuteqarnissamik inatsisissatut siunnersuutit pillugit siusinnerusukkat isumaliutissiisumminut atatillugu oqaatigisarpaa. Tassunga atatillugu ilaatigut ilassutitut aningaasaliissuteqarnissamik suliassaq 21/940 ataatsimiititaliamit innersuussutigineqarpoq.

Tamanna Naalackersuisut qinnuteqaataannut atatillugu ataatsimiititaliamit 2021-mi aammaarluni apeqqutigineqarsimavoq. Tamannali siusinnerusumut sanilliullugu annikinnerujussuuvoq.

### **8.4 Missingersuutitut sunniteqannginnissaq aningaasaqarnermillu aqutsineq**

Ingerlatsiviup naammagartumik aaqquissuunneqarsimanissaa, tassungalu ilanngullugu Naalackersuisoqarfiup pitsaasumik sunniteqarluartumillu aningaasaqarnikkut aqutsivigineqarnissaa suliassaqarfinnut ataasiakkaanut akisussaasutut Naalackersuisuusut qulakkiigassaraat.

Missingersuutunik malitseqartitsinerup paasinarsisippagu atuinerussuteqarsinnaaneq aarleri-naateqartoq aningaasaliissutit eqqortinneqarnissaasa qulakkeerneqarnissaanut pisariaqartunik iliuseqartoqassaaq imaluunniit ilassutitut aningaasaliissuteqarnissamik qinnuteqartoqassalluni. Tassunga atatillugu ukiup ingerlanerani aningaasaliissuteqarfingeqaqqinnissamik qinnuteqaatit Naalackersuisoqarfiup suliassaqarfiata iluani suliassaqarfinni allani sipaaruteqarnissamik siunnersuummik ilaqartinneqassapput. Aningaasartuutit sillimaffingeqarsinnaasimangitsut aningaasalersornissaannut ukiumut 7,5 mio. kr.-it konto pingaarnermi 20.11.50-imi, ingerlatsinermut sillimmatinut tunngasumi, aningaasaliissutigineqartarput.

### **8.5 Oqaasertaliussat**

Ilassutitut aningaasaliissuteqarnissamik qinnuteqaatit piareersarlugit suliarineqarnerannut atatillugu oqaasertaliussani attuumassuteqartuni piginnaatitsissutaasimasinnaasut Naalackersuisunit eqqumaffingeqartarnissaat ataatsimiititaliamit kaammattuutigineqassaaq. Piginnaatitsissummik tunniussisoqareersimappat piginnaatitsissutigineqartullu iluani iliuseqartoqarpat ilassutitut aningaasaliissuteqartoqarnissaanik qinnuteqarnissaq pisariaqanngilaq. Missingersuusiornermut malittarisassaq ataatsimiititaliamit innersuussutigineqassaaq, taanna malillugu suliassani oqaasertaliussaq aqqutigalugu nuussinissamik akuersinissamut Naalackersuisut piginnaatinneqarfianni suliassamik Aningaasaqarnermut Ataatsimiititaliamut nassiussisoqassanngilaq.

### **9. Aningaasaqarnermut Akileraartarnermullu Ataatsimiititaliap kaammattuutai**

Siunnersuutip matuma Inatsisartunit siullermeerneqarnera tunngavigalugu Naalackersuisunut ima **kaammattuuteqarnissaq** pissutissaqartoq Aningaasaqarnermut Akileraartarnermullu Ataatsimiititaliaq isumaqarpoq:

#### **Kaammattuut nr. 1**

Suliassat nukinginnartutut suliarineqartussatut qinnutigineqartut arlallit Aningaasaqarnermut Akileraartarnermullu Ataatsimiititaliamit 2021-mi suliarineqarput. Pisunili arlalinni sooq nukinginnartumik suliarinninnissaq qinnutigineqarnersoq Naalackersuisut tunngavilersorsimangilaat. Ilassutitut aningaasaliissuteqarnissamik suliassaq 21/936 (Tasiilami qulimiguulinnut nutaamik hangariliornissamut aningaasanik atugassanngortitsineq) assersuutitut ataatsimiititaliamit innersuussutigineqarpoq. Nukinginnartumik suliarinninnissamik qinnuteqaatit nassuiarluarnerunissaannik Naalackersuisut ataatsimiititaliamit kaammattorneqarput.

**Kaammattuut nr. 2**

Kaammattuut nr. 1-imut atatillugu ullunik arfineq marlunnik nalinginnaasumik piffissarititaasup avataatigut Naalakkersuisut suliassanik nassiussisarnerat Aningaasaqarnermut Ataatsimiititaliamit arlaleriarluni nalaanneqartarpoq. Tamatuma ilaatigut nassataraa ilassutitut aningaasaliissuteqarnissamik suliami 21/941-imi Aningaasaqarnermut Akileraartarnermullu Ataatsimiititaliap Naalakkersuisunut uparuaanera (COVID-19-imut atatillugu ikiorsiissutunik sivitsuineq aallarteqqinnissamullu ikiorsissutit). Ataatsimiititaliamit piffissaliunneqartunik Naalakkersuisut siunissami malinninnissaat ataatsimiititaliamit kaammattuutigineqarpoq.

**Kaammattuut nr. 3**

Missingersuusionertermut malittarisassap immikkoortua 4.2.3 naapertorlugu *“siumoortumik aningaasaliinertaqanngitsumik aningaasartuuteqartoqarsinnaanngilaq”*. Tamanna pisuni marlunni eqqortinneqarsimanngitsoq ataatsimiititaliamit paasineqarpoq. Tamatumani ilassutitut aningaasaliissuteqarnissamik suliassaq 21/948 (Naalakkersuisup allattaata aningaasarsiaqartinnera) kiisalu ilassutitut aningaasaliissuteqarnissamik suliassaq 21/949 (Inatsisartunut immikkut ittumik qinersineq pillugu KNR-imut ilassutitut aningaasaliissuteqarneq) ataatsimiititaliamit innersuussutigineqarput. Tamanna tunngavigalugu suliassat ataatsimiititaliamit itigartinneqartariaqanngikkunik kinguartinneqartariaqarsimapput. Nutaanik inassuteqaateqartoqarnerata kiisalu ataatsimiititaliap apeqqutaanut akissuteqartoqarnerata kingorna ilassutitut aningaasaliissuteqarnissamik suliassaq 21/948 akuersissutigineqarpoq. Taamatuttaaq KNR pillugu ilassutitut aningaasaliissuteqarnissamik suliami 21/966-mi inassuteqaatit nutaat ataatsimiititaliamit akuerineqarput. Suliassat taamaattut uteqqinneqannginnissaat ataatsimiititaliamit kaammattuutigineqarpoq.

**Kaammattuut nr. 4**

Aalajangiinermi ilaatut ataatsimiititaliaq ingerlaavartumik apeqquteqartarpoq. Tamanna ataatsimiititaliap qinnuteqaammik isummerfiginninnerani piumasaqaataasinnaavoq. Aammali ataatsimiititaliap qinnuteqaammik akuersineranut atatillugu suliap aalajangiiffigineqarnerata ilagisinnaallugu. Kingullertut taaneqartoq pineqarsimatillugu akissutit ullumikkornit sukkanerusumik saqqummiunneqartarnissaat ataatsimiititaliamit kaammattuutigineqassaaq.

**10 Aningaasaqarnermut Akileraartarnermullu Ataatsimiititaliap oqaaseqaatai:**

Aningaasaqarnermut Akilerartarnermullu Ataatsimiititaliaq allanik oqaaseqaatissaqanngilaq.



**11. Aningaasaqarnermut Akileraartarnermullu Ataatsimiititaliap inassuteqaatai**  
Ataatsimiititaliap isumaqatigiittup inatsisissatut siunnersuut akuerineqqassasoq inassutigaa.

---

UPA 2022/8

J.nr. 01.25.01/22FM-LABU-00008

J.nr. 01.31.10-00013

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

---

Hans-Peter Poulsen  
Siulittaasoq

---

Jens-Frederik Nielsen  
Siulittaasup tullia

---

Hans Aronsen

---

Agathe Fontain

---

Lars Poulsen

---

Jens Napaattoq

---

Kuno Fencker